

Dunghlanz: Banh Siuj Hagseng Doxdax Yienjgangj Gangj Gojgaeq Song Vah “Dingq Dangj Vah Riengz Dangj Byaij”

东兰：举办“时刻听党话 永远跟党走”小学生双语讲故事演讲比赛

5 nyied 25 hauh, ciengz doxdax gojgaeq Cuengh Gun song vah daegbied ndeu youq Dunghlanz Yen Vujcon Cungsim Siujyoz gawjhengz, 15 boux senjsouj camgya doxdax haenx daj Vujcon Cin gak aen siujyoz daeuj haenx ciuq faen cuj faenbied yungh “Vahgun”、“Vahcuengh biucinj”、“vah bonjdieg” sam cungj vah neix ma hoedheux aen cawjdaez hailangh yienjgangj.

Doengh laeq senjsouj camgya doxdax haenx giethab bonjfaenh hungmaj ginglig、ranzmbanj funghmau、henz ndang saedlaeh caeuq gij cihsiz hag ndaej, roxnaeuz yungh Vahcuengh mbanjranz guhriu miz yinx haenx, roxnaeuz sing cingz naekcaem dwk gangj gij gojgaeq gangcan senhleuz, gaijgwz hailangh gvaqdaej mbanjranz bienqvaq funghmau moq, cingzlaeg dwk danq rizloh hungmbwk dangj.

Mbat doxdax yienjgangj song vah neix, fungfouq le hagdangz vwnzva swnghhoz, gikcoi le gij yiedcingz gyoengq hagseng hagsib Cuengh Gun song vah, engq gyaaleg le gyoengq hagseng rox “seizseiz dingq dangj vah、ciengxlwenx riengz dangj byaij”.

(Dangz Danh/唐 聃)



▲Doxdax gangj gojgaeq yienhciengz.

《Heiq Senj Duncuz Sanhgyangh》Oksaw Fathengz 《三江侗戏选》出版发行

Geij ngoenz neix daeuj, youq Sanhgyangh Duncuz Swciyen canghraiz bonjdieg soucomz cingjeix bonj saw 《Heiq Senj Duncuz Sanhgyangh》, youz Gvangjsih Yinminz Cuzbanjse oksaw fathengz.

Bonj saw neix aeu saw Duncuz、yaem hoiz、eiq hoiz sam cungj hingzik bienbaiz, cing senj le daih neix 7 aen heiqmoeg Sanhgyangh Duncuz Swciyen geij boux canghheiq Duncuz okmingz haenx, daj mbouj doengz neiyungz、mbouj doengz gakdoh、mbouj doengz caengzmienh gangj gij gojgaeq mbanjranz Duncuz, fanjyingj yienhsaed Duncuz mbanjranz, haenhdanq gyaue sienh caen Sanhgyangh.

(Yangz Mingz/杨明)



▲《Heiq Senj Duncuz Sanhgyangh》oksaw fathengz.

Baksaek: Banh Aen Hozdung Yienj- lien Siufuengz Fuengzdaenh Gemjcai

百色：举办防震减灾消防演练活动



▲ Fwngz gaem fwngz son.

5 nyied 18 hauh, Baksaek Si ndaw hagdangz Yingzlunz Siujyoz nauhyied raixcaix, seiz mbouj seiz cienz daeuj sing bekwngz、sing riu、sing diggingj. Yienzlaiz gizneix banh aen hozdung “yienjlienh ancienz siufuengz、gaenjaep sanqdeuz、fuengzdaenh gemjcai”.

Mbat yienjlienh hozdung neix dwg youz Vujgingj Baksaek Si Siufuengz Cihdui Dwzginz Cunghdui cienmonz cujciz haiguh. Yienhciengz guenbing caeuq yivu doihsiu fuengz lauxsae hagseng haiguh yienjlienh fuengzdaenh gemjcai、sawqmwh feizdawz daengj cingzgvang, vih daengx hag lauxsae hagseng soengq hwnj dangz goq “ancienz siufuengz” sengdoengh mizyinx he.

(Lanz Gingganj/蓝庆侃)



▲ Daihgva gvaq ngoenzseng.

Vanzgyangh: Gvansim Gyaez Lwgnyez Louzyouq Hoh “Roek It” 环江：关爱留守儿童庆“六一”

5 nyied 21 hauh, Vanzgyangh Mauznanzcuz Swciyen Fulenz、Donzyenvej lienzhab haiguh aen hozdung “hawj gyaez louzyouq gvansim gyaez lajmbanj lwgnyez louzyouq”, gunghcoz yinzyenz bae daengz aen yienh neix aen hagdangz gyauyuz daegbied he bae, vih 83 boux hagseng siujsoq minzcuz uklawq caeuq ngoemxnuk haenx soengq bae daehsaw、vwnzgi、saw daengj laex simndei “roek it” ciet lwgnyez, lij vih gyoengq lwgnyez youq 6 nyied faenh seng haenx bwh ndei aen dangauh hung ndeu, daihgva gvaq ngoenzseng, hawj gyoengq hagseng sim’angq dangqmaz.

(Cwnz Gvanghgoh/陈光科 Liengz Cuzho/梁祝贺)